



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS;
manè discutienda in Scholis Medicorum die Jovis quartâ Maii
M. DCC. XLI.

M. ROBERTO-HUBERTO LINGUET, rei Herbariæ
Professore, Doctore Medico, Præfide.

An Vinum Reimenſe, ut ſuaſe, ſic ſalubre?

I.



VALE TUDINEM non ſolum ut reſtituat, ſed ut ſtantem tucatur, nata medicina eſt. Avertit Morbos, qui *diſturbant* præcepta ſequitur, qui repudiat, arceſſit. Magno luitur, quod contra medicinam auſum fuerit, ſed, proh dolor! tum demum ſubit cura valetudinis, cum jam nulla eſt. Tunc inani deſiderio angitur animus. Evolat enim illa celeriter, at elapſam revocare, hoc opus, hic labor eſt. Multis quotidie malis natura ulciſcitur miſeros mortales, qui dediti gulæ, & abdomini cæco, mancipari, longo cruciatu rependunt brevem uſuram voluptatis. Cum ſævit dolor, quid putas eos mereri velle, ut res iſtis in integrum redeat? Depaſcitur medullas lues, & lento verbere fatigat torſit in venis

habitans, eò acris, quod tristibus utendum remediis. Hinc enim gula delibuta voluptatibus radenda, & excrucienda amaris poculis, quæ deterrimâ comparatione fastidium invehunt, admonentque deliciarum, quibus haustu longo assueverant. Hos cruciatus effugeris, si crebro rerum non naturalium usu non peccaveris. At in potando vino plerumque peccatur. Huc lubrica fert via. Eligantur ergo vina quæ stomacho insillies, atque inter plurima genera, hoc assûme potissimum, quod & palato placeat, & faveat stomacho, quod benigno fomite concoquat cibos, quod serpens molliter suam liquoribus det profluentiam, totam denique corporis humani temperiem adjuvet.

I I.

INTER varios affectus, quibus jactatur animus, nullus mærore lethalior. In hoc posita sanitas est, si æquis inter se motibus fluida solidaque consentiant, quæ si dissident pessum it valetudo, at hoc dissidii genus invehit mæror. Cor contrahitur quasi vinculo constrictum. Tenuis ac debilis Arteriarum pulsus. Ergo caloris parum. Toto corpore perfidum frigus. Pallet facies. Torpent membra. Aut exarescunt spiritus animales, aut parçè dimanant. Hebetatur lethali veterno ciborum appetentia. Vitalium functionum officina cessat. Sic affectus aliquis languet inertiâ. Ita cogitat, ut cogitare se vix sentiat, non movetur negotiis. Nullâ voluptate excitatur. Somnium hominis, non homo. Quâ vi expergiscetur? Quânam arte reviviscet vir propè emortuus? Si spiritum afflaveris. Si corpus & animam in concordiam reduxeris. Quippe tam arcta est inter utrumque necessitudo, ut neutrum labore, quin ad alterum perveniat dolor. Alterum igitur alterius remediis sanatur. Excitandus igitur animus quasi veterno oppressus. Excutienda illa quasi ærugo mæroris, ut qui confederat vitalium functionum cursus, restitatur. Ad hoc requiritur ut homo erigat ipse se. Ut voleat ad amicos, ut eorum se se colloquio oblectet, ut cibus & poculis invitet se se communibus. Tum paulatim redeunt in integrum motus animales. Panditur liberior spiritibus via. Lætitia efflorescit. Ad bonam frugem sanitas perducitur. Sed in his conviviiis quo te vino proluas, nihil referre ne credideris. Hoc vini genus præ cæteris elige, quod & suavitatis plurimum habet, & acutere ingenium, & sanguinem ungere salubriore succo, placidam denique & amicam valetudini temperiem invehere maximè potest. Exiit autem integra valetudo, si & ritè concoquantur cibi & facili lapsu sanguis circumfluat, & in omnes corporis partes succus ille nutritius dividatur.

I I I.

NIHI L est quod curarum tædia depellat suavius quam mensa splendens epulis & poculis. Hinc convivis aridetur jucundum & salubre spectaculum. Neque multiplex illa ciborum copia tantoperè timenda est iis qui valetudini suæ consultum volunt. Sæpè stomacho languorem addit ciborum tenor æquabilis: at varietate excitatus concipit vires, sitque ad concoquendum robustior. Sed palato nihil amicum magis, quam vinum. Sine vino friget mensa. Habitant deliciæ in poculis. Hinc stillat convivarum lætitia. Hinc convivii nitet elegantia. Neque ego latices omnes ad mensæ imperium voco. Hauriant scilicet populi Boreales Zithum suum, quod quidem nutrimentum habet, sed quod incussum Cerebro ebrietatem implicat gravem & operosæ molis. Expressum è

3

Malis succum jactitet Normannia. Vino debetur regnum. At in vino tamen delectus est habendus, si quis & saporis consulat & sanitati. Valeant Hispana & *Frontiniaca* quorum æstu vlcera torrentur. Valeant Aureliana & quæcumque crassiore naturâ stomachum prægravant. Inter Gallicana vina certant inter se de principatu Campanum, Burgundumque, par egrégium, & multis jam bellis nobilitatum. Assurgit tamen Burgundum paulo ferocius, quam decet, suntque sibi spiritus paulo altiores, dum id sibi satis decorum credere deberet, quod pari gradu cum Campano sederet. Neque Campanum abnueret fratrem sibi Burgundum asciscere, nisi patrimonium sibi suum, saporis scilicet & salubritatis laudem videret ab æmulo per injuriam eripi.

I V.

ID quondam Campano vino, quasi per veniam, superbè concedebat Musa Burgundica, ut secundas mensas ornaret. Sed illa nonne sentiebat à se adversus se ipsam tela ministrari? Et vero ubi primum exoritur Campani nitida lux, emicat læticia. Jam in tergendis scyphis fervet famulorum manus, ne quid Burgundæ facis resederit. Dicas instaurari convivium. Volitant fulgurantque passim ingeniorum igniculi. Jam Burgundum conclamatum est, sepultum est, & à convivis subinde à triclinio exeantibus ejicitur, extillatur, exterminatur. Neque Campanum dixeris turbulentum liquorem, qui dissidium ubique ac discordiam ferat. Imo linguæ papillas leniter pungunt & feriunt ipsius aculei, ut nihil palato acceptius, stomacho nihil optabilius. Sanguinem inter & varios humores tranquilla pax, ubi consentiunt inter se, neque quisquam ex ipsis dominatur. Hanc autem societatem imprimis fovet Campanum. Cum ex principis mirè concordibus constet, nulla in ipso belli semina. Alimenta commodè dissolvit. E cibis chylum elicit optimum. Neque nimis præcipiti cursu delabatur ad secretionis meatus. Non celerius quam expedit, lymham deponit, unde Capitis gravedo, Cathartici aut articularis humor exoriretur. Non desidet diutius undè flatus, & alui pigritia, morborum plurimorum ferax, existeret. Has dotes quis non ad Syllerianum, Aiacum, Pierium, Verzenaicum, Altovillareum vina, cæteraque, quibus enumerandis forem longior, pertinere fateatur? Hæc neque crassiora sunt neque fervidiora. Imo salubria maximè ex quo præsertim impensiore curâ confici capere. Quin etiam vel Burgundus ipse, totus invidiâ tumens, & conflatus ex falsis opinionibus, Campanum tamen dum epotat, colore & sapore deceptus, egregie dejerat Nectar merum esse, & in Burgundiâ natum. Summitte igitur animos, o Burgunde, & tecum satis benignè agi existimes, si Campano comes additus steteris in mensâ, & per veniam, æquo jure & pari dignitate.

V.

AT ecce Burgundum civem aliquispaulo levior admonet erroris, Campanos esse succos illos quibus astuper. Enim vero noster abjicit arma, scyphum deponit, bibere sibi nefas esse, subesse insidias, latere in isto vino vim perfidam, quæ tremorem artubus incutiat, & arthritidem inferat. O mentem inconsultam! Dum vini patriam genulque ignoraret, amica omnia, omnia salubria, qui nisi ereptus esset felix error, concocti fuissent egregiè cibi. Apertum ac proclive patuisset humoribus iter, nullus obex, nihil moræ aut impedimenti

4

usquam ; omnibus denique partibus Sua quies, Sua salubritas. Sed amore patriæ statim occupatus animus, Campanum respuit, id insalubre exclamat, id venenum & pestem sanguine viperino tristiore. Verum tu, Alumne Burgundia, an id ignoras, id experienciâ compertum esse, nusquam alibi minorem esse, quam in Campaniâ, arthriticorum numerum ? Quid enim tandem est arthritidis ? Pungens in articulis dolor lymphæ spissitudine ingeneratus. Hic autem est hujus lymphæ usus, ut lubricam facilitatem conciliet, ut Cartilaginum, quibus ossium capita in juncturis vestiuntur, attritum exsiccationemque prohibeat. Sua igitur lymphæ servanda est fluiditas. Ad id autem quid commodius, quam liquor à crassiore facie & concretionem expeditus. Quâ dote Campanum vinum commendatur. Nulli in Campaniâ arthritici, aut oppidò pauci. Valentes incolæ & longævi. Podagricum interroga, quo se vino invitare soleat, ille statim, præter Burgundum, nullo. Ubi convaluit, Campano abstinet, redit tamen aliquando post Podagra. Non igitur illam Campanum arcessit, sed Burgundi improbitas. Unde colligeret Campanus aliquis : nã ille, si Campano fuisset usus, podagrâ vacaret. Sed ne cum Burgundo cive rixas contrahamus, id nobis concludere satis sit.

Ergo Vinum Remense ut suave, sic salubre.

Proponebat Parisiis, CAROLUS-FRANCISCUS BOUTIGNY,
DÉSPREAUX, Ambianensis, Baccalaureus Medicus, A.R. S.H.
1471, à sextâ ad meridiem.